

Akilerarusiinernik Aalajangiisartut aalajangiinerat:

Ilisarnaat:	2017-11945
Aalajangiisoqarpoq:	marts 21, 2018
Saqqummiunneqarfia:	
Ukioq isertitaqarfiusoq:	2016
Sammissaq:	Akileraarutit
Sammissami oqaatsit atorpeqartut:	Biileqartitaaneq - biili sullivittut aaqqissukkagaq imaluunniit inuinnaat biiliat

Eqikkaaneq

Naammagittaalliornermi pineqarpoq akeqanngitsumik biileqartitaanernerup akilerarusigaanera. Naammagittaalliortup paasinninnera naapertorlugu ingerlatitseqatigiiffiup biilii sullivittut aaqqissukkatut biilit isigineqartariaqartut.

Akilerarusiinernik Aalajangiisartunit naammagittaalliuutit ilalernerqarput, biilit sullivittut aaqqissukkatut atugassatut aalajangerlugit ikkussukkanik il.il. ilitsiveqarmata. Akilerarusiinissamut piumasaqaatit malillugit illugiinnik aalajangerlugit ikkussukkanik ilitsiviliisoqarsinnaanngilaq sullivinni biileqarhermi akilerarusiisarnertuut.

Suliami pissutsit piviusut

Ingerlatseqatigiiffiup biilii inuussutissarsiutigalugu atorpeqarput. Sulisitsisunĳ nakkutilliisut nalilerpaat biilit matoqqasut marluk biiliusut inuinnaat biiliisut isigineqartariaqartut biilit sullivittut aaqqissugaasuninngarniit.

Nakkutilliisup nalilerpaa biilit atortulersornerat amigaateqartoq biilit aalajangersukkanik ilisiveqanngimmata aalajangersukkanillu sannatilitut aaqqissuussaannimmata biilit ilua tamakkerlugu. Nakkutilliisup isumaa naapertorlugu biilit aassaasugassanik sulisartup sulliviginngikkaa assakaasulik.

Naammagittaalliuuteqartup paasinninnera

Naammagittaalliortup paasinninnera naapertorlugu biilit matoqqasut marluk tassaapput biilit sulliviit. Aalajangerlugit ikkussukkanik ilitsivilersugaapput qinnilinnik kikiannik kiisalu sakkuusivittalik. Kiisalu sulisut biilertartut atortunik pisarialinnik nassataqartassasut. Biilit aamma atorpeqarput maskiinanik angisuunik angallassissutitut - soorlu qillerutit innaallagiatortut, pilattuutit kaavittut, pilattuutit il.il. - aamma kompressorit, tummeqqat, ikorfat kiisalu atortut allat sulianut ataasiakkaanut pisariaqarsinnaasut.

Naammagittaalliuuteqartup paasinninneratigut paasinarsivoq sullivinni assigiinngitsuni atortut inissitiserneerit assigiinngitsut, apeqqutaalluni atortoq suna sullivimmi atorpeqarnersoq qanoq assartorneqasaneerit atorpeqassanersorlu biilit suliaqarnermi atornerini.

Eqqartuussiviit sulinissaannut malittarisassat aamma eqqartuusseriaaseq atuuttoq innersuus-sutigineqarput

Akeqanngitsumik biileqartitaanerup sulisitsisumit atugassanngortinneqarsimasup nalinga, isertitaavoq akileraaruteqaataasussaasoq. Biilini sullivittut aaqqissukkanut qamutinullu motoorilinnut immikkut ittunut naamminerisamik biilernerq nalinga annertussusilerneqassaaq inuinnaat biiliinut namminerisamik biilernermi naligitap affaanut, takujuk Aningaasarsianit akileraarutit pillugit Inatsisartut inatsisaani nr. 12, 2. november 2006-imeersumi aamma Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaanni nr. 3, 30. november 2009-meersumi § 13, imm. 1 aamma § 19 naapertorlugit.

Biilit sullivittut aaqqissukkat assigiimmik nassuiaatigineqarput § 19-imi aamma immi. 1.2.1-ip oqaaseqaataani. akeqanngitsumik biileqartitsinerup akileraarutitigut suliarineqartarnera pillugu kaajallaasitaq nr. 1, 17. september 2012-imeersumi.

1.2.1. Biilinut sullivittut aaqqissukkannut qamutinullu motoorilinnut immikkut ittunut allanut ukiumoortumik naligitinneqartoq, tak. § 19, imm. 5, titarneq siulleq. Biilit sullivittut aaqqissukkat imatut paasineqassapput tassaasut biilit karsiusat aalajangersukkanik ilisivillit kiisalu aalajangersukkanik sannatilittut aaqqissuussat.

Akileraarusiinernik Aalajangiisartut aalajangiinerat tunngaviliinerallu

Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi § 19-mut innersuussinermi ingerlatseqatigiiffiup biilii sullivimmi biilisut akileraarusorneqarsinnaapput aalajangerlugit ikkussukkanik il.il. ilitsiveqarmata. Sullivimmi biilit nassuiaataanni piumasaqaataanngilaq aalajangerlugit il.il. illugiinnik biilini ikkussukkanik ilitsiveqassasoq.

Taamaattumik ingerlatseqatigiiffiup sulisui biilillit akeqanngitsumik biileqartitatuunngitsoq sullivittulli aaqqissuussaanik bileqartitaasutut akileraartinneqassapput.

Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi aamma Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaanni nr. 3, 30. november 2009-meersumi § 13, imm. 1 aamma § 19 naapertorlugit.